

Ebazpena: R030/2023

Espedientea: 9/2017

Vitoria-Gasteizen, 2023ko martxoaren 22an.

Euskal Autonomia Erkidegoarekiko Ekonomia Itunaren Arbitraje Batzordeak, Violeta Ruiz Almendral batzordeburu andreak eta Sofia Arana Landín batzordekide andreak eta Javier Muguruza Arrese batzordekide jaunak osatutakoak, hau erabaki du:

ERABAKIA

Zerga Administrazioako Estatu Agentziak (aurrerantzean, ZAEA) Arabako Foru Aldundiaren (aurrerantzean, AFA) aurrean planteatutako gatazkari buruz, PJP jauna (aurrerantzean, PJP jauna) eta MJAF andrea (aurrerantzean, MJAF andrea) ezkontideen egoitza-aldaketaz zehazki (2010eko urtarrilaren 1etik aurrerako ondorioekin). Gatazka hori Arbitraje Batzorde honetan izapidetzen ari da, 9/2017 espediente-zenbakiarekin.

AURREKARIAK

1.- PJP jauna eta MJAF andrea ezkontideek Oionen (Araba) dute zerga-egoitza; ZAEAREN datu-basearen arabera, PJP jaunak L kalean eta MJAF andreak kalean; Gizarte Segurantzaren Diruzaintza Nagusiaren arabera, PJP jaunaren egoitza Nafarroa hiribidean dago, eta bi ezkontideak Oion (Araba) kalean daude erroldatuta.

2.- ZAEAk, egiaztapen-jarduketa batzuen ondoren, ondorioztatu du ezkontideek Logroñoko A kalean dutela egoitza, gutxienez 2010eko urtarrilaren 1etik.

3.- 2016ko azaroaren 7an, ZAEAk PJP jauna eta MJAF andrea ezkontideen zerga-egoitza Oiondik (Araba) Logroñoko A kalera aldatzeko proposamen bana jakinarazi zion AFari, 2010eko urtarrilaren 1etik aurrerako ondorioekin.

4.- Ekonomia Itunaren 43. artikuluan ezarritako lau hilabeteko epea igarota, AFak ez zien proposamenei erantzun, eta ZAEAk 2017ko apirilaren 27an aurkeztu zion gatazka Ekonomia Itunaren Arbitraje Batzordeari.

5.- Gatazka prozedura arruntaren bidez izapidetu da, eta, beraz, bete egin da AFak alegazioak egiteko eta froga eta dokumentazio egokiak aurkeztu eta proposatzeko izapidea. AFak izapide hori betetzeko epea luzatzeko eskatu ondoren, azkenean, amore emanda, onartu egin dira ZAEAk proposatutako egoitza-aldaketak.

ZUZENBIDEKO OINARRIAK

1.- Arbitraje Batzordearen eskumena

Arbitraje Batzordeak gatazka ebazteko eskumena dauka, Ekonomia Itunaren 66.Bat.c) artikuluan xedatutakoaren arabera, berari esleitzen baitio *Zergadunen egoitza dela-eta sor litezkeen desadostasunak ebaztea*.

2.- Amore ematea

Interesdunik eta, bereziki, zergapekoak aurkeztu ez direnez, AFAk amore emateak, ZAEAk egindako helbide-aldaketaren proposamena onartuta, bi administrazioen arteko gatazka bertan behera geratzea eragin du, eta Ekonomia Itunaren Arbitraje Batzordearen aurrean bideratzen den prozeduraren xedea gerora desagertzea eta, ondorioz, artxibatzea ekarri du.

Horiek horrela, Arbitraje Batzordeak hauxe

ERABAKITZEN DU

1.- Gatazka artxibatzea prozeduraren xedea gerora desagertu delako, AFAk amore eman baitu PJP jauna eta MJAF andrea ezkontideen egoitza Logroñoako A kalera aldatzeko egindako ZAEAREN proposamenei dagokienez, 2010eko urtarrilaren 1etik aurrerako atzeraeraginarekin.

2.- Erabaki hau Zerga Administrazioko Estatu Agentziari, Arabako Foru Aldundiari eta PJP jaunari eta MJAF andreari jakinaraztea.